

AGENDRE TRINITATIS

MINGGU 21 Juni 2026

1. FANGOWAI BA FOGAONI

(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).

- Fangowai** :
SA : Ya'ami banua Zo'aya, Ya somuso tödö ba sowuawua tödö ami ba we'amöi föna Keriso ma'ökhö andre. Ma'owai Ami fefu, : Ya'ahowu.
SATO : Ya'ahowu !
SA : Ya faofao khömi Lowalangi...
SATO : Ya fao Khöu Geheha-Nia
Fogaoni :
SA : Da ta'owuawua'ö dödöda wangondrasi Yehowa, da ta'omusoi'ö dödöda ba wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 16**

16. NISUNO LOWALANGIDA SAHAKHÖ TÖDÖ

1
do = d 4/4
MM = 96 - 104

1. Nisuno Lowalangida, sahakhö tödö ba niha, si no elungu taya. Me sangerogö Yehowa, niha ba gulidanöda, no moroi ba mböröta. Duhu, duhu, möi Keriso wogaoni si no elungu, I 'efa 'ö horö fefu.
2. Sahakhö tödö Zo'aya, khöda fefu sowanua, si so ba gulidanö. Ya'ia zindruhu haga, ba wohagaini tödöda, ba wa'ebua dödö. Duhu, duhu, Ihagaini, Ifoloi zogömigömi, ena'ö oi tebohouni.

2. FANGA'ARO'Ö WA'OWULO (VOTUM)

- SA** : Da tahonogö dödöda ba wariawösa, ba ba wa hasambua khö Lowalangi, (Muzizio zato):
No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'amoni'ö. Fangorifida ha ba döi Yehowa si no momböi banua si yawa awö danö.....

- SATO** : YADUHU
SA : Ba u'ila Zo'aya, si dadao ba dadaoma sebua, si no alawa: anönö gosali ahe mbaru-Nia, önö gafii zamösana. Dua mbalubalu mbawa ba dua mbalubalu gahe ba dua ba Wehombo. Ba faoma lamane-mane we'ao khö nawöra: Ni'amoni'ö, Ni'amoni'ö, Ni'amoni'ö Yehowa ngahönö andrö; no anönö lakhömi-Nia guli danö ma'asagörö. HALELUYA.....

- SA** : **Manunö** : BZ. : 452

Haleluya..... Haleluya..... Haleluya.....

- SA** : Mangandrö ita :
He Yehowa Lowalangi Ama, Ono ba Eheha Ni'amoni'ö. Möiga mangalulu ba wangandrö saohagölö me no Örorogö, Ö'orifi, ba Öbohouniga fa'omasi-Mö andrö. Ma'andrö khö-U, tohugö wa'ebua dödö-U khöma, rorogöga ba ngawalö de'ala, efa'öga ba wanandraigö, rara dödö bangawalö gabula dödö, tundreheni faböi alau ndra'aga. Fatöröga ba zomasi Ndra'ugö irugi gamozua, fa makhamö nahia ba zi so Ya'ugö. Si lö mo'aetufa nisuna ba nifolakhömi Ndra'ugö, awö Zo,aya ya,aga Yesu Keriso ba Eheha Ni'amoni'ö, Yaduhu. **(Mudadao zato)**

3. MANUNÖ moroi ba Mbuku Zinunö Numero 228**228. HA WA' ASÖKHI GINÖTÖ 1**

do = g. 3/4

MM = 88 - 96

1. Ha wa' asökhi ginötö me utema zangefa ' ö.
Ha wa' omuso dödögu, lö mamalö ututunö.
Reff: Sökhi ae ginötö me utema zangefa ' ö.
Ifahaödo ba wangandrö Ifangelama ba horö.
Sökhi ae ginötö me utema zangefa ' ö.
2. Ha wa' asökhi mbu' u li, si no mowa' a ba dödö.
U' omasi' ö Keriso, usuno sa lö mamalö.
Reff : Sökhi ae ginötö ...

4. FOMBASO TAROMA LI LOWALANGI FAMÖRÖGÖ (AF)

: Da tafondrondrongo daroma Li Lowalangi, tehalö moroi ba zura **Sinunö 145:14-16**

14. Ituwu Yehowa fefu zalau ena'ö, ba ifaöga fefu zi no aöndrö.
15. Dozi hörö niha manötöna khöu, ba öbe'e göra na inötö.
16. Obokai dangau ba ö'abusoi'ö fefu zauri somasi ira.

Simanö daroma Li Lowalangi, da tatema'ö faoma sinunö: BZ.Numero 20:1

BZ. No: 20. MISUNOSUNO ZO'AYA

1. Misunosuno Zo 'aya, mi bè zumange-Nia.
Mi 'ebua 'ö döi-Nia, sotöi banua-Nia.
Me no Ikaoni göi ami, afu mitemawa'au ri, khö Yesu, Sangorifi.

5. FANGANDRÖ FANGEFA HORÖ

SA : Ya'ami ira talifusö'
Na tawa'ö lö horöda, ba talimo ita, ba siduhu lö'ö ba dödöda. Na ta'ombakha'ö Horöda, ba lö faröi Ia, ba no satulö Ia,fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

Mangandrö ita :

He Yehowa Lowalangi, si lö ambö fa'abölö, ba si no fahöna fa'omasi. Mafaduhu'ö wa tenga sinangea ndra'aga tanö föna-Mö, me no fahöna höröma si no mafalua i'otarai iraono ndra'aga, he ba wehedema, era'era dödöma, awö gamuatama si lö faudu ba daroma Li-Mö. Andrö möiga khö-U ba wangandrö fa'ahakhö dödö-U, ena'ö Ö'efa'ö khöma horöma andrö si no mafalua, irege sohahau tödö ndra'aga wanohugö fekolima ba zi so fönama si faudu ba zomasi Ndra'ugö. Hakhösi dödö-U khöma Ama, ba be'e aefa khöma horöma andrö ma'afefu, Yaduhu.

SATO : Manunö : BZ. Numero 224 : 1

224. NA'UBINI'Ö HORÖGU KHÖ YESU

1. Na'ubini'ö horögu khö Yesu, ba lö usöndra za hono dödögu
U'ombakha'ö ngawalö horögu, mo lala dödö.

SA : **Turia Wangefa horö** : "Utayaigö golalöwamö, si mane lawuo, awö horöu, si mane sau. Tema fuli'ö khö-Gu, me no U'orifi ndra'ugö.
LAKHÖMI KHÖ LOWALANGI SI YAWA.....

SATO : Manunö:

450. BA FA'ATULÖ BA GULIDANÖ

1. Ba fa 'a tulö ba gulidanö ba niha ni'omasi 'ö andrö

(mudadao zato)

6. FOMBASO TAROMA LI LOWALANGI FÖNA HUHÜO (AB)

: Da tafondrongo daroma Li Lowalangi, tehalö moroi ba zura Matai'o 6:25-34

25. Andrö uwa'ö khömi; Böi mi'abusi tödö nosomi, hadia mbalazomi, ba ma botomi, hadia nukhami. Tenga no ebua noso, moroi ba gö, ba tenga no ebua mboto, moroi ba nukha?

26. Mifaigi wofo andrö, ba dalu mbanua, lö manaru ira ba lö mamasi, lö mangöhöna ba halasa ira, ba ibalazoi ira Amami andrö, si so ba zorugo. Tenga no aröu faehu ami wofo?

27. Ba ha niha ba khömi zangila mondrou'ö fa'anau nosonia samba si'u, na i'abusi tödö?

28. Ba ba nukha, ba hana wa mi'abusi tödö? Mitöngöni ladari mböhö andrö ba danö, he wisa wanöinia, lö mohalöwö ia, lö managu.

29. Ba uwa'ö khömi, lö si manö wa'asökhö nukha Zelomo, ba lakhöminia andrö fefu, si mane nukha zi sara da'ö.

30. Ba na imanö Lowalangi wamonukha du'u ba danö, si so ma'ökh? andre, nitibo'ö ba galitö mahemolu, ba tenga mendrua manö imanö khömi, ya'ami sambö famati?

31. Andrö böi mibusi dödömi ba böi miwa'ö: Ha ma'a? ma: ha mabadu? ma: ha ma'onukha?

32. A'oi sa ni'alui niha baero da'ö fefu; no'a sa i'ila Amami andrö, ba zorugo, wa soguna khömi da'ö fefu.

33. Mi'ofönai'ö wangelui banua Lowalangi andrö, awö wa'atulö dödö andrö khönia, ba tebe'e nönnönnö dania khömi da'ö fefu.

34. Andrö böi mi'abusi tödö zoguna mahemolu; mahemolu tesöndra lala zabu dödö mahemolu. Noa manö wamakao zi sarasara ngaluo.

Ya'ahowu zamondrongo taroma li Lowalangi ba same'e ba dödö.

SA+SATO : Yaduhu

8. FASÖMBATA

SA : Iada'e tebe'e tefalua gowasa wanaru nidönia'ö Pendeta Pengkhotbah

Iada'e tebe'e khöda ginötö ba wolohe fasömbata khö Lowalangi. Ta'osamuzaigö wame'e, he fasömbata si föföna, ba simanö göi zi mendrua awö zi medölu sifao fangowuloi fasömbata turut Berdukacita ba keluarga I. Fadil Zai. Ba si föföna ua da tafondrongo Li Lowalangi me imane:

❖ Same'e sumange fangandrö saohagölö, da'ö zamolakhömi Ya'odo, ba zi lö sinegu ba mbuabuania U'oroma'ö wangorifi andrö khö Lowalangi.

SA : Tafa'ema wasömbata khö Lowalangi, manunö ita moroi ba Mbuku Zinunö
Numero 10

10. MOROI BA DÖDÖDA

¹

do = f 4/4

MM = 96 - 104

1. Moroi ba dödöda, ta 'andrö saohagölö.

Khö Lowalangida, sanolo, no abölö.

Sagötö ya 'ita, lö Ifamalö sa, wanolo ya ' ita, da 'ö nisunoda.

2. He Lowalangima, So'aya Ama khöma,

Rorogö ndra'aga, tuturu halöwöma.

Fatörö ndra'aga, ba lala saekhu khö-U,

Ba niha baero göi, hakhösi na dödö-U.

3. Yehowa So'aya, be howuhowu khöma.
Azökhi dödöma, fa'abölö Geheha.
Heta mba'aba'a, ba atulö'öga.
Hagaini dödöma, ba amoni'öga.
4. Masuno Ndra'ugö, he Lowalangi, Ama.
Ono-U masuno göi, ba si manö Geheha.
Si Samösa Tölu, moroi ba mböröta,
Lö tebulöbulö, khö-Mö wa'aurima.

Na no awai la'owuloi/lafa'ema wasömbata, ba owulo tanö furi zangowuloi Fasömbata, lafendrongagö wolohe föna fasömbata, ba la'o'ö gofanöwa note zinunö (irama lagu).Fatua lö möi ira wolohe föna, ba imane Sangai Agendre:)

“Da tafasao wasömbatada andre föna Lowalangi,.....Muzizio ita fefu.....
Manunö ita moroi ba Mbuku Zinunö numero 261

261. YA'E ZUMANGE ¹

Ira'alawe □

1. Ya 'e zumange fasömbata, ma ' ohe sumange Yehowa.

Iramatua

- Reff* :Ma'andrö khö-U fahowu'ö zumange ni 'ohema khö-Mö
2. Ya'e zumange fasömbata mabe'e soroi ba dödöma.
Reff : Ma'andrö khö-U
 3. Ya'e zumange fasömbata buala si'otarai Nama.
Reff : Ma'andrö khö-U
 4. Ya'e zumange fasömbata, boto, noso, ba fa'aurima
Reff : Ma'andrö khö-U
 5. Ya'e zumange fasömbata, lö irugi zomasi dödö-U.
Reff : Ma'andrö khö-U
 6. Ya'e zumange fasömbata, ma'aohasi gölö Zo'aya.
Reff : Ma'andrö khö-U

FANGANDRÖ : (*Fangandrö nidönia'ö fasamösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'ofulu, owasa wanaru ma owasavwamasi, btm ba itema'ö sangai huhuo si fao taroma Li Lowalangi si faudu ba wasömbata ni'owuloi andrö*)

8. KOOR/VOKAL GROUP

- SA** : Da tafaogö dödöda ba wanuno Lowalangi faoma sinunö ni'olohesi:
Koor ba Vokal Group
- a. Koor Jemaat
 - b. Kegiatu Komisi Perempuan
 - c. Kegiatu sektor 2
 - d.

9. MANUNÖ

- SA** : Da tafa'anö dödöda wamondrongo taroma Li Lowalangi, manunö ita moroi
Ba Mbuku Zinunö **numero 163**

163. UHONOGÖ SIBAI DÖDÖGU

1. Uhonogö sibai dödögu ba wamondrongo li Mö Yesu
Mangalulu ndra'odo föna-U ba gametahö-Mö ia da 'a
Öbayoini Eheha-U Yesu dozigö mbanua samati khö-U.
Ubokai dödögu khö-U Yesu nahia daroma li-U.
Taroma li-Mö lö fa'atebulö menewi ma 'ökhö ba si 'ogötö'ö lö sa
mamalö.
Taroma li-Mö si möi fangabölö utema 'ö soroi ba dödö, tolo ba wolo'ö.

10. HUHUA SEBUA

- SH** : Ya'irorogö dödömi, awö gera'erami fa'ohahau dödö andrö, khö Lowalangi,

Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.

- a. Fombaso taroma Li Lowalangi *I Moze / Kejadian 21:8-21 (Tuho Migu:Lowalangi Zondrorogö Fefu Hadia Ia / Pemeliharaan Allah yang Universal)*
- b. Fanuriaigö
- c. Nitanö ba dödö. *Matai'o / Matius 6:32b (Noa sa I'ila amada andrö, ba zorugo, wa soguna khömi da'ö fefu. / Akan tetapi Bapamu yang di sorga tahu, bahwa kamu memerlukan semuanya itu.)*
- d. Fangandrö Fanga'aro'ö huhuo

SATO : Manunö : BZ. Numero 154 : 1

154. NO MAFONDRONDRONGO LIU²

1. No mafondrondrongo li-U, Lowalangi So ' aya.
Tanö ba dödöma ia, fa böi olifuga.
Fahowu 'ö ia khöma, ena ' ö ohahau dödöma fefu.
Heta ba dödö zi lö sökhi, ma'o ' ö niwa 'ö-U.

11. TUHO WAMATI

SA : Me no tarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida

- SA+SATO** :
- ❖ Ya'ö mamati khö Lowalangi Ama si lö ambö fa'abölö, somböi banua si yawa awö danö.
 - ❖ Ya'ö mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.
 - ❖ Ya'ö mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

12. ANGOMBAKHATA BA MBANUA NIHA KERISO

13. SA : Da tafondrondrongo gangombakhata:.....

14. MANUNÖ

SA : Manunö ita moroi ba Mbuku Zinunö **numero: 254 ayati 1-2**

254. UFAÖGA HÖRÖGU KHÖMÖ¹

do = f 4/4

MM = 96 - 104

1. Ufaöga hörögu, khö-Mö, Yehowa ngahönö, me sahakhö tödö.
Böi röido bongi, ma ' ökhö. Ya 'ugö zondrorogö, si lö mamalömalö.
2. Fahaö ndra' o, Eheha-Mö, wolo' ö satulö, wanara lahe-Mö.
Utou' ödo ba danga-Mö, Ya' ugö zamatörö, si maulu fa' abölö.

15. FANGANDRÖ SALAHI + FAMATENGE + HOWUHOWU

SH : Muzizio ita fefu, mangandrö ita :.....(tetohugö) : Ba döi Zo'aya ya'aga Yesu Keriso, Si no mamahaö ya'aga ba wangandrö mamane :

6

SH + SATO : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatorö banua-U, ba sokhö fa'abolö, awö lakhömi, irugi zi lö aetu. Yaduhu

SH : **FAMATENGE + HOWUHOWU** :
Mi'angawuli si fao fa'ohahau dödö, ya tobali ami sura Keriso, samaduhu'ö Ya'Ia ba Lala wa'aurimi sero ma'ökhö, ba mitema (tatema) howuhowu Lowalangi :
❖ Ya mufahowu'ö ami/ita Lowalangi, Ya murorogö ami/ita
❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/Khöda
❖ Ya mufalemba hörö-Nia khömi/khöda, Ya mube'e wa ohahau dödö khömi/khöda fefu. Yaduhu

SATO : Manunö BZ.Numero **253 ayati 3**

254. UFAÖGA HÖRÖGU KHÖMÖ 1

do = f 4/4

MM = 96 - 104

3. Lumö' ödo lakhömi-Mö, ba wa' omasi-Mö, udugu Öföwö.

Be' e wa' ahono dödö wanga' igu halöwö, ena' ö oi mo' ölö.

SH : YA'AHOWU

SATO : YA'AHOWU